



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xxvj Obadia Prophet.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

vnd ein Sohn geben / den soltu **JESUS**
 heissen / der wirt groß vnd ein Sohn des aller-
 höchsten genennet werden / *zc.* Darüber Ma-
 ria sich hoch verwundert / vnd glaubte doch der
 rede des Engels / vnd fahet ahn / nach dem sie
 ihr Vassen Elisabeth besucht hatte / Gott zulo-
 ben / vnd singet das herliche Magnificat / *zc.*
 Luce am 1. Cap.

ri

A

xxvj

Obadia

Dieses ist ein fürtrefflicher Prophet gewe-
 sen / welcher zu der zeit der Babylonischen
 Gefäncknuß / gelauchtet vnd geweissaget hat.

Es hett auch Achab der Gottloß König ei-
 nen Hofmeister / Obadia genandt / ein from-
 mer Gottsförchtiger heyliger Mann / welcher /
 da er die Tyrannen Achabs vnd Jezabel wider
 die Propheten Gottes vermerckt / warnet er sie
 trawlich / vnd nam hundert Propheten / ver-
 stecket sie in die Hölen / vnd speiset sie heimlich /
 vnd erhielt sie vor der Tyrannen des Königs
 vnd der Gottlosen Jezabel.

Darauf sehen wir / wie Gott alle zeit die sei-
 nen / so auff ihn hoffen / vnd in ihrem beruff be-
 ständig bleibē / kan vnd wil wunderbarlich wi-
 der

der allerley Tyranny des Teuffels vnnnd der Welt/ behüten vnd erhalten / 1. Reg. 18.

Dieser Babylas hat gelebt zu der zeit Decij/ des Tyrannischen Kaysers/ Im jar nach der geburt Christi 252. Er hat öffentlich dem Keiser Decio widerstanden/ vñ im geweret/ d; er nicht dorfft in die Kirchen oder versammlung der Christen gehen / vnnnd sagt öffentlich wider den Keiser/ er/ als ein geträwer Hirt/ könne vñ wölle nicht zulassen/ daß ein solcher gräwlicher Wolff sol die Schäflein vberfallen vnd zerreißen / Darüber der Kaysers so zornig warde/ daß er befahle/ man solt in nemē/ vnd den kopff abschlagen / Da man ihn aber zur marter geführet/ hat er mit frölichem gemüth / die wort auß dem 116. Psalm gesungen:

Sei zufrieden meine Seel/ dann der HERR thut dir guts.

Vnnnd ist also ganz friedlich vnnnd frölich in Christo entschlaffen. Von diesem Babylas hat beschrieben / ein besondere Predig der heylige Chrysostomus. Item/ 35. cap. 1. libro Ruff. Item, 19. cap. 5. lib. Sozo.

G iij Dieser

A
B
xviij
Babylas.